

無可疑也。第五十三簡，兩面有字，稍厚，為隨意劈削者。正面所書無何意義，背面「癸栝一」，癸疑為兵字，栝右旁筆畫不清，疑為椎字；兵椎亦為兵器也。

簡五四 長一〇七糲合寬九糲厚五糲

□□□□已卯 易不易口易 正面

絺袍一領 絡□一兩 背面

簡五五 長一三五糲寬七糲厚四糲

二褚巾三□去

按以上二簡，皆記服飾事。第五十四簡：「絺袍一領」，詩葛覃曰：「為絺為綌」；說文：「絺，細葛也。綌，麤葛也。」急就篇顏師古注云：「長衣曰袍，下至足跗。」絺袍一領，言絺布之袍一件也。絡，急就篇注云：「即今之生縑也。一曰今之綿紬是也。」急就篇注又云：「量布帛者，則計其丈尺及寸，稱絲綿者，則數其斤兩。」此云絡□一兩，蓋絡為生絲，尙未成衣，故計其斤兩也。背面為隨意書寫，無何意義。第五十五簡：「褚巾三」，漢書南粵傳註云：「以綿裝衣曰褚。」此言褚巾，蓋以綿裝之巾也。三下字不可釋，疑為取字。